

柳待制文集

八

柳待制文集卷之十一



方陳母丁孺人墓碣銘并序

建安陳湜衰經踵門以謁自通於予予出與成禮湜
詢其故湜再拜起涕泗言湜喪母踰年哀未即死圖
終窆窆之事今既卜得日湜之同門友蔣易實為湜
謀所以不死其親者曰易次而母諸行往來求柳先生
銘先生樂稱人之善其將有以假寵於而母矣湜持
是而來惟先生之畀矜之也嗟乎予文詐能使而母
怡昭於地下雖然起孝之志予其忍重違之按易狀
孺人丁氏諱臨字洲道世籍建陽之嘉禾上里父蓋
稱里長者孺人幼慧讀論語孝經孟子識其大

柳待制文集卷之十一

意古人文字經目輒成誦處室時嘗學和詩伯父縣
丞公戒曰婦人職知婦道詩非所宜習蓋終身服之
不敢言文 年二十四歸中里陳君騰實君故仕宦家
子又早孤 時經喪亂橫賦重歛日暴月虐君素孺弱
常破產應 之家遂以削孺人入門檢括內計盡得孔
隙曰此豈 猶不可為乎稍出其智補室罅穴芟除蒼
翳木久而 生道裕如閱十三年君即世孺人益自力
於儉勤躬 操簿書手執箕箒雖一錢一孔之出入必
使節葉可 尋而根株可覆按廣田疇新室廬諸凡
潤飾先業 有男子志慮所不能及者孺人子男四女
一喪父時 長纒十一而季猶未晬稍長入小學闢
曰義 延名師就講肄暇日則應舉小學書立

大指示警厲於諸子而怙怙奉親長不敢生驕易之
句又常常語及之他日子知博習女知順從人以為
義方之教然也孺人質敏而惡華簪珥服御不競妍
好晨興坐堂理家政問繇賦問米鹽言人人殊而出
語應之各中肯綮或時過午食不下咽僅隸意其倦
且休矣而區畫靡密滋無惰容大抵治家慙肅內外
斬斬踐其庭者見其左跽規矩右循繩尺而和氣充
物溢慝自無因而入也陳氏族盛宗中興來嘗有顯
者今浸遠浸湮里中尚五十餘室孺人禮其尊老而
慈其卑幼往來問遺無愆節戚疎少長無間言比歲
丙申丙午荐饑里民艱食孺人既為粥以活餓者又
下其粟估稍賑卹其未沾於危者疢不能謁醫亦隨

和年制三卷一

二

證注善藥予之曰毋庸使他人知其施實德於鄉鄰
固如此孺人嫠居三十年貞節潔行足以表見於世
里耆聚謀方欲列上其事請加旌復書道具元統二
年正月朔晨起焚香誦道釋經已忽覺體中小不佳
就寢而疾作禱醫弗效子淚竭誠露禱剗股和糜以
進亦輒弗效更十日卒得年六十五子曰泂曰灋曰
涓曰湜涓早卒女和適崇安詹天增和先一年亦卒
孫男五元燾佛僧元亨元泰元顯孫女六初君之喪
孺人為卜藏室甫葬而涓天徵之堪輿家言咸謂不
利及三改卜兆域始宜孺人曰亡者得安其靈則生
者宜有蔭藉費雖巨吾敢屑較之哉凡甓窾而詩陳
牲而虞肅賓製服飭具每益謹已又曰陰陽禍福為

人子弟六所宜知命油因傳其書為其學焉於是泗
所從授書者章貢劉君某復來為孺人謀相墓得某
山之原維食卜用某月某日鑿窆某月某日掩坎卒
之明年也易之狀曰易狀孺人之行得於宗老之賢
者皆不謀同辭吁信然矣曩易從杜先生武彥駉論
節婦之被桂門者先生曰使世之公論不屈而有賢
守令者出則若陳氏母之操行風節自當表而上之
不然桂復之令何為者哉孺人已矣亦徒以重夫君
子感念思古之情乎是以序而系之俾溟持歸請先
生書而表諸墓上倘萬一適人之采焉則孺人之成
教遺範猶足以衣被來世而陳氏之不遂泯泯者庶
其有在於是銘曰

遭家孔艱亟返之安其智間間生口以遂養日以備
殞於中世有子有孫宜于其家相維斯丘不亢不污
高四尺者孺人墓耶

澹居處士馬君墓碣銘

馬氏望扶風而再徙于南者惟新定新亭之族尤衍
以碩禮部尚書公諱大同以政學顯宗淳熙間與紫
陽文公實交相引重詩書之澤洽于孫曾雖所資所
藉有淺有深大抵郁如也尚書伯兄諱大方六世得
澹居處士處士諱之純字希文卒以至順元年閏七
月乙巳春秋七十又六葬以明年二月某甲子兆在
孝行鄉之望雲原前葬嗣子恭命侯子瑩為書一通
著其行業即請于所善東陽柳貫錄而琢諸緋纒之

碑貫率嘗執筆錄奉常職在誅行而身辟誅事又知
處士為厚德長者可銘不誣迺系而銘之處士夷靖
簡亮人也讀書務明體要不為章句綴繞視世俗豪
擢智籠之術如疾狗偷屏羨黜浮自致饒裕然聞里
黨間有一義可為奮勇赴之不誅不撓至元中有司
嘗征商於野民甚病焉處士持牒懇行中書以為與
民爭利非盛世事卒覆按除之大德丁未歲大侵處
士傾廩以饋餓者掩骼以從禮制或欲上其名應出
粟補官之令則厚謝曰吾知盡吾力敢微賞哉處士
仲兄早卒鞠其子如己子子尋卒鞠其孫孫又卒鞠
其曾孫葵祭以禮婚娶以時植其門戶如初處士聚
書至數千卷畜古今法書名畫亦數百軸花時菊景

潔觴陳俎從賓客歡賞引滿徑醉蓋歲歲常然將死
語子若孫曰吾無愧於人人亦無憾於吾即就木安
焉耳計聞間居野處之夫咸曰善人已矣吾將何賴
處士之配董氏亦有賢行卒先一年今舉以附其域
處士無子以伯兄之子後命族子請銘者也孫男二
禮提孫女一尚芳處士之曾大父諱崇大父諱鎔父
諱熙孫皆隱德弗耀曰澹居去者處士所自命也處
士嘗患里中子弟為聲利塗塞耳目思一洗濯新之
方將割田闢塾致明師宣昭經誼以大變其俗而竟
齋志入地嗚呼悱哉處士之有蘊不試者如是是足
以表世壽後矣可無銘乎銘曰
士非盜名禮可求野不有耆碩孰起淪謝君子尸之

適觀大雅今其亡矣 有子孫曾受 相維斯丘孫曾受

故平陽州判官陳君墓誌銘

鈞其書院山長陳士貞 嘗於仕道淹回州縣 推恩進秩便蕃優渥 偶死今墓草幾宿而 辱交焉倘幸假茲鄉 將不悼其埋鬱於土 貢進士吳萊 君諱遠大字宏父姓 占籍於婺之浦江鄉 曰德政自君始又徙 縣東北之

抑齋文集卷十一 三

興賢鄉村曰集村君少從鄉 義下筆無留意然好 時會邑里初內附山 則出相冠擢君 首建購捕 幕府上其功 路旌容州 資其宿 避陳復刻上之意 縣丞在官八年 事郎溫州路平陽州判官 庚初壽之所

四方之志矣因免歸其寔坐之室曰達觀亭

容至則命豆餼從容連日夕猶儒生故態也端

綱勃宰居十二年泰定三年六月廿四日卒得年七

十之清相介湖北窮潦窮咽糶錯居其壤山有妻

地儲之為盡以中人立死而獄多寡薛君曰我人以

售其妖此宜犬豕弗食可少償之乎悉論寘于法傲

祠魔菴又數十區取其材瓦葺新學官曰此教基

也庶幾使民知所以教時方有事交趾全當空道魏

不他官屬或畏難去徵發調送郡獨倚君以

辦顯有獲縣龍南居然中而以其地隸仁豐南安萬

戶府蓋僑處其縣官命不卒為六屯使耕龍南曠土

自食其力以備捍禦久之招納亡命崇齋姦私民甚

和存用三集六一

患之而未有以悲也君列上其事請復置縣從其軍

蓋按覆數四而卒無以易君之議焉若之大抵皆

可紀而狀君之行著徒以士貞之態言者筆之書則

夫士貞言焉而不及者尚多有之雖以予之知君而

不敢溢於辭懼非傳信之責也君之先配黃氏先若

卒今配林氏治家得母道甚子男二長士元梧州路

儒學正早卒次則士貞女二胥曰俛鈿戴梅孫男三

佑僖倫孫女三未行曰夔曰文煥曰德潤君之曾六

父大父父也大父嘗以登仕郎自試入官而未及佳

君之葬其地嚴塢距家一里君所自卜天曆元年十

一月朔葬之也自君病瘵計家以及于死迄今天

十平而鄉鄰之後生晚輩已無有能言其德官行

者

之詳者矣使更閱數年則君之與存者幾何哉宜士
貞求文表著之意汲汲焉而不敢後也然則古之以
功業自見而恃文以傳者亦若是而已寧獨君哉銘
曰
智名勇功所謂達財隨而有獲繫乎時哉昔君用壯
直奮無回乘于艱屯仕道以開轉丞試令績用恢恢
駕車橫陽有沃西來孰挽而行孰軋而摧歸承燕休
終于考台嚴塢之丘封樹窸窸相尔嗣人視崇思墮
凡物之生有覆有培一胡不然自戕其枚吾銘尔貽
併泄尔哀

盧氏母碣銘

盧氏母杭州城東人徐姓諱妙安歸里中盧翁翁業

坐肆販繒母常佐之操竒贏聯什一稍稍致饒裕而
儉順之化行於其家穆如也生男女一女適徐永亨
男德恒治岐伯倉公鬼史區言為疾醫里人詣門求
察脉無論富貧貴賤率与善藥士大夫稱之初德恒
兒時行戲市中得道棄佩力攜白母母變貌切責曰
是豈無主物哉曷不待其還求審而歸之尔未成人
已自利如是吾安望尔怒經日不解德恒自少即知
不別義利母教實然也泰定四年母年七十七疾既
盛語德恒曰汝能盡子道已惟當盡人道則我死其
無憾又瞋目語諸孫曰勤讀書勤讀書語未終而逝
二月十日也德恒買美櫬為櫬具嚴衣為緦治喪制
服壹遵禮經踐雨風涉濤江行求瑩域岡阜間覲

揣恐若或失之如是三年得錢塘縣定山范村之桐
樹塢相墓者曰宜卜兆者曰吉迺以至順二年十二
月庚申奉匱即窆窆之明年將植碣表墓請予銘而
刻之予惟杭故俗家有喪用浮屠老氏之法建壇場
設齋祠歌唄作樂越月踰時舉匱界之炎火拾燼骨
投之深淵燕娛賓費數鉅萬以此相高湯曰吾不
儉其親笑萬有一能營隙地湖山左右琢雕刺鏤為
墓治隧又不過夸盛強飾觀遊往往艸未再宿而已
夷為平陸其悖禮違義日趨於薄於愛親乎何有今
德恒卓然拔流俗推其自盡之心成是目山之禮地
不愛寶龜不祕智是開佳城以封以樹則夫致吾之
孝以盡人之道固足以蔭藉其子若孫矣翁諱華卒

柳青制文卷十一

八

先十二年年六十八其墓徐村距桐樹塢數里而近
孫男四浩澄杏子婆留孫女一德恒字仲庸治生厚
交不為市道庶幾柳子厚所稱長安藥市宗清者予
每資其液齊以為衰莫之防焉迺不辭而与之銘銘
曰
生則有養不覲其豐死則有藏不要其隆前林後岡
函和葆冲是盧母阡百世維宗

園一道人墓碣銘并序

園一道人為老佛之學得其玄微而不滯於名相亦
謂遊方之外者也道人頽身廣顙踈眉秀顙常所戴
履艸冠繩屨而已然其風神曠朗人望之如古仙翁
客性嗜遊名山水在數百里間一筇徑造興盡即

居鄉不為崖異而視世人用計巧取之術疾之甚於豺虎道人世居建之浦城諸祖以上皆有仕籍于宗族故大也既冠而遭兵燹間闕離析獨幸與其母姚出萬死一生中早暮調適旨甘節時燠寒曰吾有母在它無恤焉蓋沒身孝養彌薦中徙縣東鄉泰寧里耕稼樵漁外託興吟嘯言皆根理天曆二年其歲己巳春秋七十又二以疾卒家九月十二日也明年至順元年正月某日葬大嶺下瀆原合于其配鄧氏之窆初道人無子已而有子其養子曰鐘嫡子曰鉉女二皆嫁里中人孫男四曾孫男二道人諱玉成姓李氏自號園一翁又別號翠陽子祖諱源父諱櫟皆業儒道人葬後三年其方外友虛一先生趙君嗣琪自

歷代金石刻甚富然為好事者持去六無係吝性嗜酒客至傾壺倒榼盡醉益歡行簡少嘗以禮部令史從尚書崇公奉使安南還辟廣西帥府掾江淮行省又嘗署人匠提舉司都日江陰權辦官嘗以不屑意未移時棄去大冠長裾優游湖山文酒間晚自稱夷門老人得年七十而終泰定元年十二月二十二日也其配李氏里中大姓女婦德母儀既順而恭卒後八年年若干子男二士元士謙也士元南臺察院書吏士謙淞東廉訪司書吏皆以儒貢孫男五孫女二俱幼士元士謙將自杭舟載其二匱歸卜汴南三家店之瑩以泰定四年某月某日就窆先事以狀請于東陽柳氏曰吾翁早從南北賢大夫士遊竊嘗有考

于藝文之事時非不偶而身不一試不肖孤行能之
未著名譽之未立也即葬而無刻辭于隧其何以昭
示來裔子幸哀而予之銘焉昔予與哭君錫京師有
誄今行簡以禮葬銘烏乎辭銘曰
道和德順溢于聲雅南一濫琴孤鳴徽以白玉絃朱
繩五音二少濁變清杜氏于琴若天成使和其音薦
神明豈不為世躋隆平江湖遙夜占隕星鑿亡絃絕
秋風驚夷山萬里開佳城魂兮歸來其永寧

元故太中大夫海道都漕運萬戶周公墓誌

銘并序

海道都漕運萬戶周公以元統元年十二月七日卒
官明年正月十又七日自吳郡買舟載其柩北還還

用四月十三日葬所居鄉張寺里先塋之次其配汝
南郡夫人王氏戒其子宗衰經泣拜請銘昔予漫仕
與公同朝及考鄉進士試上京公為留守判官迨今
西遊而公持漕節于吳每見益歡辱與之遊蓋餘二
十年銘非予誰宜為公諱仲字信父衛之汲縣人曾
祖諱祚金忠勇校尉步軍將官祖諱泉以公貴贈亞
中大夫衛輝路總管輕車都尉追封汝南郡侯父諱
麟累贈嘉議大夫禮部尚書上輕車都尉追封汝南
郡公少警敏稍壯得推擇為山南淮西二道之廉訪
書吏貢補吏部令史由樞密院掾為中書左司掾考
成擢兵部主事建德路總管府推官崇祥院都事工
部主事中書省檢校官進工部員外郎稍遷上都留

守司判官兼本路都摠管府判官兼推官出為河南江北等處行中書省理問官揚州路總管改漕運萬戶歷十官皆不俟終更而惟建德推官未嘗上階自承務郎七遷而至太中大夫食正三品祿終其身公以文吏自奮於刀筆間挾通敏之質而達之于用應事制變它人首鼠不決公徐出片言裁其過甚而彌縫其缺失無不動合樞機揚州之政不隨不激人尤樂稱道之與人交悃悞無華久而彌親故其死聞者盡傷得年七十元配王氏先卒封汝南郡夫人男宗後配王夫人出也女長適王某次適郭某次未行銘曰

粵有才焉際可而仕不屈於時亦敏於試爵為通侯可謂既貴未及縣車終於其位歸從先人丘首之義陵谷有遷吾銘斯眎

無為子碣銘

無為子少時遊方之內應物而不滯于物人謂其一代豪俊人也中歲去而遊方之外葆真而全其真形化而神不化雖列仙山澤之臞要不是過何其異哉無為子故儒家姓張氏諱悌字信甫居鄞之象山有別業在鄞城扁舟往來傲兀烟浪自視如鷗夷子皮然好結賓客重交遊肴觴左右具捐所有予人無吝色父嘗以戶門微罪當逮詣吏無為子奮前請繫曰父老願以身代雖萬罪不敢辭父藉以免奉親能備孝養而身與妻子衣簞食糲而已象山中大瀛海陶

隱居司馬鍊師之遺跡往往而在無為子早從方士習聞道家長生久視之說心竊識之既壯出遊南粵北燕回薄萬里獨愛吉嶺神明之奧巖巒峭森溪谷靚窈鍊形服氣莫此為宜歸對妻子常語及之而妻子固不信也一日大會親戚故舊曰吾當去隱武當矣親戚故舊爭勸心之律應曰諾詰旦引刀截髮解故衣被布衲偃屣著行縵佩鉢囊掉臂出門徑去頽語其家子亡初尔善事尔母教育諸弟尔無以我繫其心也行涉重江至武當山依止紫霄宮師事其宮主張真人願執弟子役真人亮其確誠啓之道要授職首衆無為子晝則服勞薪水間與衆同苦甘滋味取其至薄者夜則危坐一榻脇不至席如是三年忽

初待制文六十一

十三

晨起別衆衆方恠之則既化矣泰定四年四月二十日也得年四十八化三日道衆瘞之紫霄峰下訃至家家人服喪如禮古初重遠先志不敢迎其履歸因不如葦血必期至山中樹碣以表其歲乃絕海來吳泣拜請辭昔予客鄴識無為子衆人中知其健敏可託以事而不知其能離智絕俗究竟生死偉特若是豈出世間法必世之勇者而後能決致之歟無為子始娶許氏子男四曰古初曰謙曰弘曰惠女三其二已有歸其一夫銘曰生之謂寄而亡非其棄不亡者存是謂知生之類無為而為以昭之來世

彥明諱德智字彥明姓劉氏世家于歙曾祖諱元佑
祖諱儒望父諱震皆隱德不仕鄉里稱善人焉初彥
明之父以張為後於劉生彥明四歲卒而張氏父固
在實為之經紀家事教育彥明至於成人張五子其
一天而其家素裕彥明尤大父所深愛將使還後天
者彥明泣對曰劉氏無子故以吾父後今既歿于劉
氏明其為劉矣德智以一身繫劉氏之宗誠不敢重
獲罪於吾父與劉氏也大父感其言而以彥明少知
自厲於學好讀孫吳兵法旁究釋老方伎之書嘗曰
是感疾已乃大悟求之四書浩有所得久而下筆為
文覺其來源源纒纒遂得由庠序選為建德路儒學
正會教授闕進攝其事守郡者諷使文致直學之罪

彥明不為動俟間覆為辨說考滿入教授銓翰林院
方薦為其屬而彥明翻然歸矣尋授永順等處軍民
安撫司儒學教授未上中書刑部辟為其部令史官
有齎怒於同列而將黜之彥明曰無厭將及我投筆
謝去於是都水監復羅而致之稍進壽福院掾壽福
出納五臺諸寺錢糧其田入隸浙西數郡比歲浙西
被水有司按實當檢放而院猶責償未已彥明適從
其判官出行江南視其牘歎曰官民糧已罷徵吾院
田能獨無傷乎悉命弛之諸使怒其專擅而卒亦無
能奪其議者嘉興有豪民誣占寺田三百畝左證甚
明而院所遣使速賂莫能決及彥明來請鬻路絕乃
卒歸其田考成得將仕佐郎衢州路常山縣主簿

歲江兩省有知其為者辟為掾新執政至杖一掾
塚實無罪彥明竟歸曰吾唯不能隨俗俯仰以至于
是可再辱耶進將仕郎為平江路總管府知事平江
劇部案牘業脞彥明處之以無倦取其犯名義者一
二事稍釐正之不激於奇不毀於隨暇則却騎入閭
巷訪求耆舊啜茗縱談猶書生故態也閱再歲卒官
下得年五十五天曆二年七月十四日也談者例譽
儒生為政迂闊於事情而不知聖人之法制具於經
儒能據經議法故達權而知變彼隨時重輕觀勢向
背以竊取通人之名者豈所謂政哉彥明得於所學
歷試內外階是以無失身敗名則亦未為無所見於
世也彥明之配李氏姑女先卒子男二燁煜女二長

適徐梅次在室卜地得建德之淳安縣開化鄉駐馬
原距家餘百里將以其年某月某日寔先事其子煜
具書世出壽年為狀不京兆杜原父乞子銘其言曰
葬而不得銘猶無葬也子嘗識彥明京師知其為人
而杜君又不輕於許予是可銘已彥明始字千里謂
其取義之未廣也易以今字晚又踰知非子其詩文
曰紫溪集鄉先生方公回為序而藏之于家家有仁
本堂鄉相程公元鳳為大書揭之而陵陽羊公巖記
之彥明之祖程公錫也所謂仁本者彥明固服而行
之美銘曰

守經為不制變為通通故能介承之自躬彥明本仁
由學以克及試於事事為之中考其成績與有終終

天不畀年歸于堂封有德有言遺後者豐尚百千年
安此幽宮

于思容墓誌銘

邗為姬姓之國後迺去邑而氏漢廷尉定國族望東
海子孫或即居或稍徙支縣庶衍尚為盛德之世朝
列大夫益都般陽等處田賦總管于君思容之先亦
自東海徙文登譜足徵也初金季李全據山東以叛
其弟二太尉略地至文登君之祖諱祥隱里中方坐
塾教諸生兵暴入為所掠見其儀狀偉岸挾刃臨之
偏與俱行至益都稍即問計則亂以他語答之若聞
於事機者然當其濫殺亦強諫止之所全活甚多全
受擒其妻楊舉衆歸

朝開行省山東因得署為其從事未久棄去娶臨朐
蘇氏而家臨朐生君之父諱世傑讀書知學性高潔
不与俗溷中年自放於酒聞宋平浩然南遊擊節自
擔曰自晉失其御衣冠播遷中華禮樂萃于南土予
將觀善於是而且以淵吾之子孫焉因偁家吳中三
十年年七十四無疾卒是生思容思容諱欽少學於
吳持其苦力自進弗懈宿儒老生皆折節與交集賢
大學士郭公貫浙省平章高公昉尤深知之方以才
辟為淮西廉訪使者書吏未數月而國子助教之命
下矣游擢山東廉訪司照磨在官三年再以國子助
教起君會君服母喪喪除以為翰林國史院編修
辟御史臺掾進御史臺照磨官拜南臺御史

事院奏為其院長史就拜監察御史遂中書左司都
事又遷詹事院經歷中書左司員外郎御史臺都事
太禧院奏除其屬壽福提管府同知中書省復以為
兵部侍郎方出試田賦府到官未踰月卒官下得年
五十至順四年七月十又八日卒之日也君器資宏
達而文法敏明官山東時屬歲大饑嘗行縣至濱棣
濱棣傍海民尤艱窘君為之發廩勸分計口以餉之
禁防周密民實受惠而免於死徙泰定初元燕黨未
盡誅君為書數百言極陳逆順從違之故請早正其
罪所繫者皆顯臣要官聞者為之縮頸在左司參決
機務在臺端振肅風紀辟皆據經守律不務刻深而
忌者往往因其銳進構為誣語以讒沮之其出為提

管也二藉是進秩之名而陰以抑退之耳雖不幸遂
至大故然使人有不盡用之嗟則君未為無所見於
時而死也昔君之父死吳中葦其廬于吳自曾祖妣
祖妣及其母高氏六喪皆在淺土君解山東照磨持
母喪時始卜地于益都城南十里聖城阜之原而序
葬焉今君之子將奉君柩其地次延為書具其世出
歷官行治請其識諸其幽其嘗辱與君友其再為助
教其實薦起之泊其補外而君始顯用未及十年已
有幽明之間銘固不可以不之予也君之父以君貴
贈至中順大夫禮部侍郎上騎都尉追封河內郡伯
妣高氏周氏並封河內郡君而君周氏出也君娶金
氏亦封河內郡君子男二曰潛曰溥女三其二已行

其一尚勇君官京師嘗題其齋曰壘空而記之其所自得可知已銘曰

學焉而仕行其所知我安以徐彼競於馳方其欲翕有或張之謂天匪私亦毀于隨貴而不年則將尤誰有子承家貽不慶基不朽者存臻此銘詩

元故武略將軍鄧州新軍萬戶府管軍下千戶贈武義將軍飛騎尉追封靜安縣男新公墓碑銘并序

自靳氏得姓而其事略見於楚漢之策書至近世升名宦牒始斑斑有人而楚產固無聞焉何其土風之特異也武略將軍鄧州新軍萬戶府管軍下千戶贈武義將軍飛騎尉追封靜安縣男靳公世家河內其

父轉徙兵間行次真定之深州靜安縣縣人劉氏妻以息女遂依之以居生子男七長即公壬辰歲河南北始伍民為軍而劉氏在籍中公以弼甥當行疑史都督麾下屯樊城攻襄陽渡漢沔實能以材勇自効阿木元帥見而奇之拔為帳前至元三年從破劉義受賞統鈔五十貫五年領衆脩白河因与萬戶燕只吉歹蕩平大洪山黃仙洞諸險隘計功班賞有差九年下樊襄公以先登再被醜賞及破沙洋新城進變省撤為管軍百戶十二年二月追敗宋殿帥孫市呂奪其所乘舟丞相伯顏忠武王壯之手取白金百兩寶刀一具以賜十一月常州城破錄其功真授管軍百戶階忠顯校尉十三年三月江南平丞相奏凱還

就從入覲例錫龍衣鞍轡又賜統
若曰靳其爵不酬功吾將有以厚之其署管軍千
兼西峽渡提舉四月命下得佩銀符進階承信校
時越閩山區海聚間民相挺為亂謀報文午行省
有調度必命公以全帥備左右拒若沙縣之廖平
漳州之陳吊眼建寧之黃華皆其誘
出其伐叛招携之謀動必制勝其入
黃朝奉王振都而生獲其將陳統制
其大校黃叅謀劉發陳士良等數十
舉白金梳二柱其勞烈就命撫安羅
縣為之署官置吏民得樂生興事如
朝命始用丞相之薦授公武略將軍

四十八

柳符制文卷十一

十九

千戶重功次也廿一年復從忙古台右丞入朝右丞
為言功狀上嘉賞不置賚以龍衣弓矢
全符就外管軍中千戶未上樞密院
下千戶九年公年六十四請于萬戶
征討行冒矢石身被瘴癘壯強嚴虛
放歸田里以終莫齒而令男檜繼職
報下如章公即日駕輕車北歸倘徕
閱四歲遂卒時則某年某月某日也
縣某原附以其配某氏公軀幹碩碩
奮身戎行積勲受爵而尤為伯顏忠
王所知平居輕財重義禮賢下士恂
越閩之叛諸軍爭致生口公得男女
老弱總若干人

會中秋家宴公厚飲食之且戒曰尔不幸廢於叛黨
今首惡服誅亦良民耳誠能呂其所親來吾將悉縱
遣尔已乃間有來者因令自相保任散還鄉里明年
及期所縱男女扶携來謝且大作齋祠祈以福報有
陳生某嘗業儒亦在俘中公亟命之冠帶使教二子
以學又為請諸當路官之庠校間世言武將出其慄
銳乘時致功業犯道家所忌而不知以仁勝不仁固
若時雨之澤物而非以為物之厲也蓋觀于靳氏之
世而可信矣公諱忠其父諱用則始家靜安者也初
室張氏生檜忠顯校尉鄧州新軍萬戶府下千戶女
適張某繼室余氏生汝舟奉訓大夫江浙等處行中
書省檢校官汝霖早世女適王克茂孫男二贊今龍
為千戶鎮守黃蘄贊方從學孫女一適李某泰定初
有

詔推恩内外文武百工用其爵秩追榮考妣至于三
世乃贈公武義將軍鄧州新軍萬戶府管軍千戶
飛騎尉追封靜安縣男張氏余氏並封靜安縣君
舟強學敏用詳於議法方為時所不吝是能大其門
者比歲官杭某嘗与之遊焉願謂某曰吾父起行伍
有官勲而質直無華嗜善好義施及于我子孫尚竊
祿食以不墜其宗使無文字鑿之隧石以昭德訓嗣
其謂斯何敢再拜請辭某曰孝子仁人之志其其可
重述之迺據其事狀序次如右又繫之銘曰
在至元初元運勃興輯其武功口方

各揚其英發必有中敵來無勳若時雨降庶物憑生
劉錫斯氏擐甲從征自振行間以善戰名賈勇濟漢
先登蹴荆計功受賞百金為輕雖長千夫寵祿禾贏
曰吾忠武惟所指令山疆海蜃汝干大刑首惡既殲
庶孽為清夷凶獲醜載世承寧占老有子願服踐更
庶幾畢景仰首皇明公今已矣墓栢青青子材良
列官外廷爵以疇庸猶序而升紫綬金魚卹典宜膺
涌泉之澤赤矣明靈本武經文沒有餘榮有子而令
卒大其成閭左徵兵丁壯于行河朔之間屢無遺氓
彼薦草莽此嚴冠纓公在師中惟其血誠老氏若曰
累善如登尔子尔孫世薦忠貞文于冢石以鴻厥聲
馬仲珍墓誌銘并序

睦州詩在唐中季有章協律方虜士李建州在宗渡
江後有高師魯滕元秀皆清峻簡遠各自名家仲珍
嚴其芳華沐其膏潤問詩法於耆老成人盡得肯綮
措意遣辭初猶稍尚葩澤晚更脫略邊幅直窺微妙
徃徃年自為卷而製名述序要有深意統曰歲遷尸
四十卷溢之為銘贊記序雜古賦又十有二卷亦各
自名編蓋其學本之經驗之人事而槩發之於言故
能致多如是然反而求之見其約不見其博嗚呼仲
珍死矣詩當得傳如前數公無疑爵位功業孰久孰
近何足計哉仲珍姓馬氏諱瑩其字仲珍世家建德
縣之新亭鄉族故大也乾道淳熙間有与徽文公仕
學相上下官至禮部尚書諱六同者於仲珍為七世

其祖矣曾祖諱治鳳祖諱之友父諱維桂皆畜德不
試毋濮氏亦里中望宗仲珍少而穎發長益潛深精
研經史旁連諸子百家下逮山經地志謠俗方言朝
披夕攬寧華齊英中雖醞郁而外實夷澹鄉鄰子弟
來學往教就其矩度莫不卓見端緒一時名人勝士
景向聲求郵詩頌交爭取力挽延祐科興議者品量
人材咸謂仲珍有以自効而有司苟知仲珍亦咸望
其出奇一勝以售其明始用春秋舉上不利後更用
禮記亦不利人意仲珍怠矣方益厲氣賈勇為其文
不少輟久之彙次所著五經大義四書荅疑及自問
自荅榮合若干篇題曰困天集而其志孤矣仲珍嘗
倣漢魏樂府辭唐柳柳州新體制

皇元饒歌鼓吹曲十有二章將橐之走京師巽塵
乙夜之覽而未及脫葉又嘗手選唐五百家詩五卷
宗南渡諸家詩一卷別有講義讀書記各二卷藏于
家其學橫鶩捷出如車適御矢破的也仲珍娶翁氏
生三男二曰鈞曰鉉孫男一仲珍病時始生命其名
瀚仲珍生至元庚辰卒元統甲戌得年五十五閑居
喜自脩飾或佳客時至情景俱勝但觴命醕取琴鼓
一再行自吹洞簫倚歌和之一毫不以貧窶累其心
自署號雪夢居士天趣自得可涯淡哉元統元年予
客吳下臘將盡仲珍扁舟疑門語夜叅半請曰夫子
知我文莫為有司為則有以振我度歲別歸神邑揚
揚予方張之期其晚達是冬予東還次睦則聞仲珍

十一月十五日以疾卒家先一日力疾語子鈞曰我死必求柳先生銘不得銘則無以葬鈞既下棺城馮塢祖塋之次惟食將以明年某月某甲子窆迺具行治為狀衰經踵吾廬泣拜道遺命請辭嗚呼予尚忍不銘吾友也耶銘曰

孰昌其詩不售于藝亦嗇其年而卒殄瘁得深行遠要以永世我銘斯所質之無媿

元故奉政大夫僉嶺北湖南道肅政廉訪司事崔公墓碑銘并序

從仕郎河南江北等處行中書省理問所正事崔敏數千里貽書論貫曰敏之大墓在神山自曾祖仕衛再世葬胙城胙城濱古河道河雖別流而漂砂擁礫

四十五

柳待制文集十一

二十三

冒沒人廬舍冢墓勢如潮汐不可遏止比歲先人卒官湖南還卜兆域得大梁開封墻堡里小邊村雜食因奉遷二祖之靈而以先人序葬其次今二十二年矣隧間之石未有刻辭惟先人之友獨先之在先生嘗司誅于奉常其言信能昭德表行敢具列言世行治壽年卒葬終始為狀而以銘累先生貫雁曰而父雅知子文銘子職也迺序而銘焉序曰崔以文姓齊丁公伋之子食采於崔遂目以氏世遠宗茲德居占徙代序莫詳金匱大簡有諱世英者如自思州神山縣以軍帥從戰此口蹈難死弟諱德茂嚴其職會天兵南下遂以全師効順得授左副元帥領所部鎮神山後以城變遇害元帥之子諱義隸史開府墓下

有善文法聲累遷輝州安撫使兼屯田提領即居朶
城以葬者也湖南公諱良承字仲欽少靜密有羔讀
書知大義薄遊錢塘以材請自致江淮行省署為理
問所令史進浙東宣慰司今史上官善其幹敏每出
專征伐行翰財計必擇公以從公亦樂為之翰誠贊
理考滿授將仕佐郎兩浙都轉運鹽使司知事尋辟
江浙行省掾稍遷從仕郎袁州路分宜縣丞未上辟
官師府掾超受承事郎江浙省理問所知事時執政
方病二浙鹽法之弊而莫究其窳卻適出公循行諸
場推見隱詘而因以時弛置之法既不煩賦亦易贏
治辦而還衆益才之既代選補中書左曹掾明年擢
戶部主事階承直郎勾校簿書綜覈出入勞績亦顯

又明年陞奉訓大夫中書左司都事遷奉議大夫宗
正府左右司郎中御史臺復奏以為監察御史出按
亭山東未還選授奉政大夫僉嶺北湖南道肅政廉
訪司事在官七閱月分按衡全永寶慶武岡五路滋
治精嚴訊獄詳允雖受劾被黜罰而人不以為苛道
病還卒潭州治所至治元年六月十又六日也得年
六十一娶王氏特封朶城縣君子一敏也嘗以國子
生從貫學治經介然有立女二長適中順大夫漢陽
知府兼管內勸農事盧恂次適承事郎太常禮儀院
郊祀署丞續欽祖孫男四性學志學禮學嗣學孫女
一未行葬以卒之明年春三月某甲子曾祖左副元
帥府君祖安撫府君父諱慶河南河北等處絲銀人

匠提領始又徙大梁為大梁人以公貴贈奉訓大夫
禮部郎中飛騎尉胙城縣男母蕭夫人追封胙城縣
君邊村之塋安撫居北之中禮部居左皆以其配祔
公平居恂恂安言徐視未嘗以氣加人而其中所治
信剛果亮直不為回撓故于吏治能執常御變機張
鍵閉于情無不盡而于法無所損益五辟掾六遷官
皆典章法令之攸司識其統體持其綱要于薄物細
故豁如也方出節觀風奄至大故識者惜不盡用而
為世道人才計者至今猶有憾焉公自戶部左司暨
登六察與貫並居京師遊好最稔而知公制行之詳
以能載之于銘亦莫宜于貫貫茲銘公是以無讓銘
曰

繫齊庶姓有食于崔別氏承宗燕及雲來基德之厚
若種而培維忠維孝則罔後菑自公始奮名允藝而
木則有松馬則有駉揚中踐外其立不回憲物容典
式時討裁烝烝成乂暨暨達財天罔予之又軋而摧
其摧曷以不至考台翼子貽孫既條既枚非承孰引
非用無恢墻堡之虛雙表崔嵬琢此銘詩尚有徵哉

故宋宣教郎主管禮兵部架閣文字林公墓

碑銘 并序

諸姬之庶姓有以字為林氏者子孫世仕于魯之季
氏而放為孔門弟子元和姓纂謂比干有子逃之長
林遂以繫氏夾滌通志辨其非矣自周而降歷千有
餘年族散宗遷邈不可考而南粵東甌相繼特起以

科目宦學相高洽丁李宋東既无盛錄同外黨然各
目為譜緒系不明蓋非一日之積也東既別譜有居
於宋嘉華蓋鄉黃石山下者目宋武經大夫知柳
軍州事諱濱孫始顯而公其嗣子摧景定壬戌丙科
賜同進士出身調帝州司戶參軍拜調福州觀察兼
官未上廣西經畧安撫使辟為梧州軍事判官留佐
幕府尋除主管禮兵部架閣文字用薦改京秩階宣
教郎遷樞密院編修官以養親辭不拜方遭內難而
宋既改物遠得高蹈遠引全其不仕之節而著其歸
潔之義天固厚幸之矣公諱壽字壽王一字劄王曾
祖諱師正宋將仕郎祖諱武父業紫陽文公之門人
服膺中庸尚細之訓以碩儒望里中用特科入宮泮

柳州司馬法登武舉進士第田普州徒

二六

河池尉退而講學于家守以禘州恩贈朝散郎父卿
州治孫兵尉子司馬法登武舉進士第田普州徒
柳州其家始因之以文者也公初任常州州吏儲粟
餘萬斛歲久將腐公白郡請辨陳均給粟得不耗守
服其能嘗受機慮囚囚有具獄當其衆死者吏抱成
案前請公占署公閱未究一問得其誣服之情
平反上之囚以不死又嘗攝壹興無錫邑皆先教
後禁治之以靜其最知公而薦之於朝者魏公克思
趙公与植孫公壽趙公与積常公林陳公昉公洽
陳公懋欽也凡是數公皆名卿賢大夫甘所稱可非
苟然者始孫公符持薦公公辭以資淺宜先元僚孫
公義之立為奏而次迹遂及於公時公纔三十餘

可使其老智慮於更嘗究歎為於充聞其全詔可量
我公自少抱負不碌碌要有所試於時中罹艱棘歛
其鋒鏑益磨礪淬厲於孝以故卒就平實其居鄉處
族姍有志利可以及人雖齎已弗顧也季弟繼諸葛
氏無子死公割已產擇於其黨立浚承宗奉內外族
貧不能卒之喪無一毫係吝曰此吾孔氏家法也端
居二十年寄情吟咏自號蓋峯散人元貞丙申得年
五十八以其春三月十日示微疾命奉扶起坐正冠
襟而卒此豈無得者哉公娶諸葛氏先卒子男二長
曰堅天次曰堂女一適將仕郎曾怡老孫男二鈞錫
曾孫男一淮浩自初喪葺廬二建牙鄉郭溪黃岡柳
州墓下今十得麗吉將遷窆于膺符鄉信壘之原於

柳符生文集十一 七十七

是堂為處州路儒亭教授以其友鄉貢進士章仕業
平次事狀十里具書致幣請銘其窆而予友溫台等
處海運千戶趙君大納比宰永嘉常以事過公里下
瞻喬木之陰歎人門之美談次每為予言之固已悉
夫沐氏之世矣尚何羨墓之嫌哉嗟乎薄社為壘而
郤鼎致賂吾不為殷臣之通播而為殷士之裸將不
為澤畔之憔悴而為遠游之娛戲公之素志蓋不然
也然而所積者厚所養者深各駒自繁而孳帛帛加
因得以葆勝舍之衆遂元亮之高沒餘二紀而子孫
之數倍益敏詩書之鉅艾愈豐銘以昭德不齒屬筆
於予 烏乎辭銘曰
顯允於宗世服于禮公箕箒其華繩其美方序而

胡遜於此夙縹鶴退繫乎其時其仁之孰艱則致節
亦孝而嗟何奪之遽歿百年壽苟无遺祭于社主
過者垂涕膺符之鄉啓茲封域有鎮銘章用刊無斁

元故戴孺人劉氏墓銘并序

里中戴暄景和之內子劉氏越諸暨人生二十一年
歸暄歸三十八年相暄治生理家事舅姑字兒稱和
宗黨甚得婦道以至元四年其歲戊寅秋七月三日
卒家年五十九卒後三月卜葬金竹塢其日九月癸
酉也劉氏諱錦父曰天麒母曰下子男一真良元女
一適趙仁本孫男三恭温安女一俱勇壯歲良以父
命來後享于治經今年春月泉書院仕為直學試肅
政府歸而母病聘醫教禱無所不至閱四月遂以不
起於是暄失良配哀不勝情將葬復遣良友經款門
乞碎鑽石乃為之諱曰
婦則母儀觀于而家方壘而悼有戚其嗟維以昭之
銘則引夸

一柳符制文集十一 十八



